

## Fula - Mboodeenga Numooji Deftere - Good Mind Scriptures

Farillaaji Lewiŋko'en 24:12 Muusa umri be ayna mo, sey to Jawmiraawo yecci be ko be kuuwata mo.

Tooktaaki Tawreeta 18:6 Koomoy Lewiŋkeejo gondo haa wuro koonjogye nder Isra'iila fuu, to bernde maako yidi, sey o wara haa nokkuure nde Jawmiraawo subata dum.

Ruut 1:18 Na'omi faami anniya Ruut yahdugo bee maako tabiti. Ngam maajum o acci billugo mo.

1 Habaruji Nyalaade 28:9 An boo, biyam Suleymaanu, teddin Allah baaba maada, jaggana mo bee bernde laabnde e nafsu ma fuu. Ngam Jawmiraawo don linya berde fuu o anndi anniyaaji e numooji. To a waylitake heedi maako, o waŋgante. Ammaa to a acci mo, o wudinte haa foroy.

Nehemiya 4:6 Ammaa Yahuudu'en joodiibe kombi mabbe ngari haa amin, mbaŋginani min nufayeeji mabbe kalludi dow amin, baakin nde sappo.

Ayuba 23:13 Moye waylata Jehovah? O don tabito. Ko o annini wadugo, o wadfan boo.

Balndi 29:11 Paataado yeynan metteenga mum fuu, ammaa hikmaajo naŋtan nga.

Esaaya 26:3 Mo bernde mum tabiti, hooli mo, o don hokka mo jam.

Markus 5:15 Be ngari haa Yeesu, be ngi'i marnoodo moobre ginnaaji go don joodi, don borni, hakkiilo maako boo de'iti. Be kultori.

Luka 8:35 Yimbe ndilli haa be ndaara ko wadi. Be ngari haa Yeesu, be tawi gorko mo ginnaaji ngurtino e mum go, don joodi haa kombi maako, o don borni, o don bee hakkiilo. Be kultori.

Kuude Nelaabe 17:11 Yimbe Bereya ngidi nanugo haala kesa, be laataaki bana yimbe Tessaloniki. Be tiidi haa nanugo haala man. Balde fuu be don linya defte Jehovah, haa be anndita ko Pol wolwi dum goonja na?

Kuude Nelaabe 20:19 Mi huuwani Jawmiraawo bee yaŋkinaare, bee bojji, nder boneeji kefdi yam ngam Yahuudu'en annini halleende dow am.

Roma'en 7:24/25 Hakkiilo am don yero tawreeta Jehovah, ammaa kuude am don dowtano umroore hakke. Kayto, mi jurumdo! Walaa ko luttoni yam, sey maayde. Moy rimdintammi e billaare nde'e? Yettoore laatano Jehovah ngam barka Yeesu Almasiihu, Jawmiraawo men.

Roma'en 8:6 Tokkiido gidaadi mum maayan, ammaa tokkiido Ruuhu Jehovah heban ngeendam e jam.

Roma'en 8:27 Jehovah linyoowo berde don faama ko Ruuhu dabbata. Ngam

Ruuhu don torano yimbe Jehovah bana Jehovah yidī.

Roma'en 11:34 Deftere wi'i: "Moy anndi numooji Jawmiraawo? Moy laati dawroowo maako?

Roma'en 12:2 Taa tokke al'aadaaji duniyaaru ndu, ammaa acce Jehovah wayla berde mon, hesditina hakkiilooji mon. Nden kam on anndan muuyo Jehovah, on anndan ko woodī, on anndan ko Jehovah yerdoto, ko laati timmudum.

Roma'en 12:16 Njoodode on narrube. Taa dabbe manju nder jama'aare mon, ndikka on njaba kuude leesde, jaŋkiniide. Taa ndaare ko'e mon bana on marbe anndal fuu.

Roma'en 14:5 Goddo don wi'a nyalaade kaja buran godde manju. Goddo boo don wi'a nyalaade fuu potan kal. Sey koomoy tabita nder faamu mum, tokko dum.

Roma'en 15:6 Nden kam on teddinan Jehovah, Baabiraawo Jawmiraawo men Yeesu Almasiihu, bee bernde woore e hunduko wooto.

1 Korintu'en 1:10 Deerdam'en, mi don toro on bee innde Jawmiraawo men Yeesu Almasiihu: Njoođe on narrube! Taa jokkirli laato hakkunde moodon, ammaa on narra dow hakkiilo wooto e anniya ngoota.

1 Korintu'en 2:16 Ngam deftere don wi'a: "Moy anndi numooji Jawmiraawo? Moy laati dawroowo maako?" Ammaa enen en ngoodi Ruuhu Almasiihu.

2 Korintu'en 7:7 Naa garki maako tan de'itini min, ammaa o yecci min boo no on nde'itiniri mo. O yecci min on don ngenwa yi'ugo yam, on don mimsito ko wadi, on don tiino wallugo yam boo. Kanjum dum seyni yam masin.

2 Korintu'en 8:12 To on tiinake hokkugo, Jehovah jaban dokkal mon. O don ?ama ko on mari, naa ko on maraay.

2 Korintu'en 9:2 Mi anndi on muuyi wallugo be. Mi mantori on haa Makedoniya'en boo, mi wi'i: "Deerdiraabe nder Akaya don moobta dokkal man diga rowani." Tiinaare mon findini duudbe mabbe.

2 Korintu'en 13:11 Too, deerdiraabe, njoođe jam. Tiine haa on laato timmube, njabe bolle am haa berde mon. Njoodode bee narral e hoolaare. Nden kam Jehovah, dokkoowo en yiide e jam, wondan bee moodon.

Efesu'en 4:23 Acce berde mon e hakkiilooji mon kesdita foroy.

Filippi'en 2:2,3 To nonnon, nden kam timmidine seyo am: Njoodode hakkiilo wooto e yiide woore e bernde woore e anniya ngoota. 3 Taa kuuwe koodume bee numooji kaajudi malla ngam mantoraago ko'e mon meere. Taa koomoy mawnito dow wodbe, ammaa o laara be bana buranbe mo.

Filippi'en 4:2 Mi don toro Ewodi e Sintike haa be narral bana deerdiraabe rewbe, nuddinbe Jawmiraawo.

Filippi'en 4:7 Salaaman Jehovah burka faamu neddo fuu, aynan berde mon e numooji mon nder kawtal bee Yeesu Almasiihu.

Kolossi'en 3:12 On laati yimbe Jehovah ngam o yidi on, o subi on. Ngam maajum sey on laato endoobe, woodbe, yanjkiniibe, ne'iibe, munybe.

2 Tessaloniki'en 2:2 Taa hakkiilooji mon ummo law, taa on kula to goddo wi'i on nyalaade Jawmiraawo wari. Teema goddo wadan annabaaku bana non, malla o waaja on dum, malla o wi'a minin min mbindi dum nder bataakewol.

2 Timote 1:7 Jehovah hokki en Ruuhu mum, ngu hebbintaa en bee kulol, ammaa bee sembe e yiide e naangtaare.

Titus 2:6 Tiddin suka'en boo haa be laato hakkilbe.

Ibranienko'en 8:10 "Ammaa baawo nyalde de'e, mi habban alkawal feere bee yimbe Isra'iila. Ndaa ni ngal laatoto: Mi wadan tawreeta am nder hakkiilooji mabbe, mi windan ka nder berde mabbe. Min mi laatoto Jehovah mabbe, kambe boo be laatoto yimbe am.

1 Piyer 1:13 Ngam maajum, sey numooji moodon taaskano kuugal! Kakkile, njo"ine tammunde moodon fuu haa barka ka keboton saa'i Yeesu Almasiihu wanji.

1 Piyer 5:2 Ayne tokkere nde Jehovah hokki on, ayne nde bee yiide bana no Jehovah yidi, naa bee doole. Kuuwe, naa ngam hebugo ceede meere, ammaa ngam on ngidi dum.

2 Piyer 3:1 Yidaabe am, kanjol woni bataakewol am didabol haa moodon. Nder bataakeeji didi fuu mi dabbitti ummingo numooji booddi nder moodon bee siftinorgo on ko on ekkitino.

Wahayu 17:9 Ngam faamugo dum, sey goddo mara hakkiilo e hikma. Ko'e joweedidi go dum kooseeje joweedidi. Debbo go don joodi dow maaje. Kanje ngoni laamiibe njoweedido boo,

Pastor T. John Franklin  
Church of Salvation, Healing, and Deliverance  
COS-HAD.org